

愛日精廬藏書志

愛日精蘊叢書志卷十一

史部

別史類

汲冢周書十卷

元至正刊本

晉孔晃注

卷首有吳元恭氏吳興沈淪兩印

黃玠刊板序

至正甲午

丁黼序

嘉定十五年

建康實錄二十卷

舊抄本

顧氏澗濱藏宋本校

周

高陽許嵩撰

役列嘉祐三年開造建康實錄校正官

張庖民等銜名七行紹興十八年重雕校勘官韓軫等銜名九行

自序

宋太宗實錄殘本八卷

抄本

從陳君子準藏舊抄本傳錄

錢若水等撰

原八十卷今存卷二十六至三十卷七

十六卷七十九八十八共八卷晁公武曰楊億娶張洎女不
終故洎傳多醜辭洎傳適在卷中如曰性便佞能伺候人
主意又曰尤險陂好攻人之短又曰善事黃門宦官又曰
性鄙吝又曰在江表日多譏毀良善誠爲醜詆流議之來
有由致也每卷末俱有書寫人某某初對某某覆對某某
一條

郡齋讀書志曰太宗實錄八十卷皇朝錢若水等撰至道
三年命若水監修不隸史局若水卽引柴成務宋度吳淑

楊億爲佐咸平元年書成上於朝起卽位至至道三年丁酉三月凡二十年初太宗有馴犬常在乘輿側及崩犬輒不食李至嘗作歌紀其事以遺若水其斷章曰白麟赤鴈君勿書勸若書此懲浮俗而若水不爲載呂端雖爲監修而未嘗涖局書成不署端名至挾其事以爲專美若水援唐朝故事若此者甚衆世人不能奪又傳億子娶張洎女而不終故洎傳多醜辭嗚呼若水及億天下稱賢尙不能免於流議若此信乎執史筆者之難也

直齋書錄解題曰錢若水等以至道三年十一月受命咸平元年八月上之九月而畢人難其速同修撰者給事中濟陰柴成務寶臣秘閣校理丹陽吳淑正儀直集賢院建

安楊億大年案億傳書凡八十篇而億獨草五十六卷

通志二百卷

元至治刊本

宋右迪功郎鄭無漁仲撰

夾溪先生通志包括天地陰陽禮樂制度古今事實大無不備小無或遺是集緒梓於三山郡庠亦既獻之天時藏之秘閣然北方學者猶未之見予叨守福唐洪惟文軌會同斯文豈宜專美一方迺募僚屬仍捐已俸稟之省府摹補五十部散之江北諸郡嘉惠後學熟而復之若伐薪於林採火於穴信手而得用以輔佐清廟參贊化育豈云小補倘博雅君子同予志者益廣其傳是所願望至治二騏壬戌夏五郡守可堂吳釋書于三山郡齋

通志書宋先儒夾漈鄭先生樵所述也天啟文選皇元肇
興爰命臣工勒諸三山郡學雖經呈進而北方學者槩不
多見予叨承宣命來守是邦謹捐已俸暨諸同寅徵工印
造此書圖發中原諸郡庠庶遠近學者見聞均一凡我同
志幸相與成之

右伏以聖世開太平合四海同文同軌先儒作通志亘千
載異人異書事無大小之道義貫精粗之一探衆誌之幽
蹟爲羣史之會歸皇王帝霸道可得聞天地人物名無不
備理亂安危之異轍正邪熾惡之殊方凡幾年大集厥成
示歷代如指諸掌慨載籍猶斷繩之不續此一書若貫珠
之相聯雖南閩久已刊行而北方尙未多見欲全編之徧

及豈獨力之能爲洞貫古今可束諸子百家於高閣式彰
聲教庶儼圖書六籍於清朝謹疏至治元年五月日疏編
州路總管司堂吳祥題

至治二年九月印造

總序

東都事畧本六十卷 宋刊本

宋王偁撰 存卷三十一至四十四十六至四十八五十
一至六十八十四至一百五一百十六至一百三十凡六
十卷每葉二十四行行二十四字

契丹國志二十七卷 元刊本

宋葉隆禮撰 闕卷十六至末抄補

葉隆禮進表

嘉靖七年

元秘史十五卷

抄本

文淵閣書目著錄

文淵閣書目著錄文詞部但未經譯潤

故傳本絕稀然元史叙次太祖太宗兩朝事迹顛倒複沓
誠有如錢氏所云者此書論次頗詳且得其實實可羽翼
正史是亦讀元史者所不廢也

元太祖勦業之主也而史述其事迹最疏舛惟秘史叙次
頗得其實而其文俚鄙未經詞人譯潤故知之者尠其可
惜也元之先世譜系史亦缺畧據秘史乃知太祖之大父
葛不律始自稱合罕史稱葛不律寒寒當爲罕方與它文
一例葛不律沒遺言以叔父之子俺巴孩代領其衆是爲

秦赤烏氏卽史所稱咸補海罕也俺巴孩爲金人所殺諸部又立葛不律之子忽都刺爲合罕此皆元史所未詳也太祖少與秦赤烏有隙爲秦赤烏所執欲殺之太祖伺守者隙逃去鎖兒罕失刺匿之家乃得免鎖兒罕失刺者赤老溫之次史既不爲赤老溫立傳而鎖兒罕失刺之事亦不著於本紀亦闕漏之甚者也蔑兒乞部故與烈祖有怨聞太祖在不見罕山襲掠之虜夫人安吉刺氏太祖求救於克烈王罕王罕資太祖兵與札木合合兵擊之悉收其所掠太祖遂與札木合合營札木合者太祖之疏屬太祖幼時同嬉戲稱安答者也居歲餘札木合復疑之乃乘夜去諸部多棄札木合從太祖者遂議立太祖爲成吉思合

罕紀皆不書而忽書鑒下擗只與札木合部人構怨一事繫於帝方幼沖云云之下此大誤也當太祖幼時勢甚微弱賴王罕札木合二人假以徒衆羽翼漸成始立名號紀但云丙寅歲羣臣上尊號曰成吉思皇帝不知成吉思罕之號蓋已久矣其後遣使誦青按彈火察兒等謂昔者吾國無主汝等推戴吾爲之主者正指此事也先稱合罕者一部之主後稱皇帝乃爲羣部之主豈可畧稱罕一節而不書乎紀又云哈答斤部散只兀部朶魯班部塔塔兒部宏吉刺部聞乃蠻泰赤烏敗皆不自安會於阿雷泉斬白馬爲誓欲襲帝及王罕宏吉刺部長迭夷恐事不成潛遣人告變帝與王罕逆戰于孟亦烈川大敗之其下文又云

宏吉刺部欲來附哈撒兒不知其意往掠之於是宏吉刺
歸札木合部與朶魯班亦乞刺思哈答斤火魯刺思塔塔
兒散只兀諸部會於健河共立札木合爲局兒罕盟於禿
律別兒河岸誓畢驅士卒來侵抄吾兒知其謀以告帝帝
即起兵逆戰破之札木合脫走宏吉刺部來降據秘史則
此兩條本是一事當時從札木合者實有十二部立札木
合爲罕將以拒王罕與太祖也而乃蠻泰赤烏之敗則在
札木合等敗去之後紀所書值倒複沓皆不足據論次太
宗兩朝事迹者其必於此書折其衷與嘉定錢大昕
跋

國語二十一卷補音三卷

元刊本

吳章氏解補音

宋庠撰

韋昭國語解序

戰國策三十三卷

影寫宋劉川姚氏本

陸氏尊先手校

高誘注

曾鞏序

劉向序

李文叔書後

王覺題後

孫元忠書後

記劉原父語

姚宏序紹興丙寅

戰國策經鮑彪駁亂非復高誘元本而刻川姚宏較正本
博采春秋後語諸書吳正傳駁正鮑注最後得此本嘆其
絕佳且謂於時蓄之者鮮矣此本乃伯聲較本又經前輩
勘對疑誤採正傳補注標舉行間天啟中以二十千購之
梁溪安氏不啻獲一珍珠船也無何又得善本於梁溪高
氏惜墨精好此本遂次而居乙每一摩挲不免以積薪自
晒要之此兩本實爲雙璧闕一固不可也崇禎庚午七月
曝書於榮木樓牧翁謹識

陸氏手跋曰戰國策世傳鮑彪注者求吳師道版正本已
屬希有況古本哉錢遵王假余此本係姚宏較刻高誘注
善得之於牧翁宗伯者不特開卷便有東西周之異全本

篇次前後章句煩簡亦與今本迥不相侔真奇書也因命友印錄此冊原本經前輩勘對疑誤採正傳補注標舉行間宜并存之一時未遑也牧翁云天啟中得此於梁溪安氏無何又得善本於梁溪高氏今此本具在已出尋常百計不知高氏本又復何如耳戊戌孟春六日錄校并識虞山陸貽典

又曰庚寅冬牧翁絳雲樓災其所藏書俱盡於咸陽之炬不謂高氏本尙在人間林宗葉君印錄一本假余校此頗多是正面摹寫誤字猝未深辨并一一校入尙擬借原本更一訂定也戊戌季冬六日校畢記

又曰己亥春從錢氏借高氏原本校前十九卷孟冬暇日

過毛氏目耕樓借印錄高氏本校畢此書始爲全璧云教
先

黃氏手跋曰戰國策高注本向傳二本一出於梁溪安氏
一出於梁溪高氏皆宋刻高氏本余已刊行於世矣安氏
本影寫者出常熟陸勅先家勅先跋語皆係親筆并高氏
義同亦粘籤於上余甚珍之以二本不可偏廢并重昔賢
手跡也復翁炙硯書

戰國策十卷 元至正刊本 陸勅先藏書

續編雲鮑彪校注 東陽吳師道重校 四五卷末有至
正乙巳前藍山書院山長劉鑑重校勘一條蓋至正二十
五年刊本也卷首牒文銜名及劉氏曾氏序抄補末頁有

陸勅先題識云乙未三月借額僧度本錄全

皇帝聖旨裏江南浙西道肅政廉訪司平江路守鎮分司
准司官僉事伯顏帖木兒嘉議牒嘗謂著書立言乃儒者
之能事閭閻顯善實風憲之良規事有干於斯文述宜永
於來世切覩戰國策乃先秦故書羣經之亞記事之首辭
極高古字多舛訛在漢則劉向校定高誘爲註已病其錯
亂相糅宋則曾鞏鮑彪再校重注用意益勤爲說各異讀
者病焉故禮部郎中吳君師道憫是書之靡定懼絕學之
無間參考諸書折衷衆說存其是而正其非闕其疑而補
其畧使當時之事蹟文義顯然明白如指諸掌其有益於
來學也功亦大矣然而簡帙旣繁抄錄莫便匪鈔諸梓曷

傳於時煩爲移牒平江路於本路儒學贍學錢糧內命工刊行以廣其傳爲此牒請照驗施行在此憲司今將校注戰國策隨此發去合行故牒可照驗委自本路儒學教授徐震學正徐昭文學錄鄉經不妨學務提調校勘命工刊錢合用工價通行除破開牒稽考先具不致違悞依准牒來須至牒者

牒件今牒平江路總管府照驗放牒

至正十五年六月二十一日牒

劉向序

鮑彪序

吳師道序

泰定二年

陳祖仁序 至正十五年

李文叔書後

王覺題後

孫元忠書後

姚宏序 紹興丙寅

吳師道姚宏國策注序 至順四年

姚寬序

耿延禧序 紹興四年

奉天錄四卷 舊抄本

唐趙元一著 紀朱泚作亂事涇源之難鍾籩不移剛貌
如故者李西平渾咸甯二公之力實多是書原始竟委叙

述詳備而於秉節不屈視死如歸如段太尉輩尤三致意焉有唐舊籍傳世日稀此書自崇文總目通志直齋書錄解題外藏書家絕少著錄者洵僅見之祕笈也

自序

直齋書錄解題奉天錄四卷唐趙元一撰起建中國年涇源叛命終興元元年克復神都

東觀奏記三卷 先君子手抄本

國史官右補闕裴庭裕撰

自序

中興禦侮錄二卷 舊抄本

襄陽守城錄一卷

舊抄本

門生忠訓郎鄂州都統司同副將特差兼京西北路招撫使司準備差遣趙萬年編

辛巳泣斬錄一卷

舊抄本

從政郎蘄州司理權通判兼淮西制置司僉廳行司公事趙與襄編廸功郎蘄州黃梅縣主簿權錄事參軍兼僉廳陶時叙校勘

曹彥約跋曰李茂欽死守蘄城併毀其家立志最堅受禍最慘 罪其志有餘而才不足則亦苛矣武定軍入城反爲郡告示金陵軍及境而不恤郡急池軍怯而不進雖有張巡許遠之才不得齊雲萬春之助決不能以千人之力

守九里之郭却數萬騎之敵矣韓昌黎論巡遠事以爲當
是時棄城而國存者不可一二數擅彊兵坐而觀者相環
也不追議此而責二公以死守亦見其自比於逆亂設淫
辭而助之攻也私意妄議從古則然要之久而自定昌谷
曹彥約讀泣斬錄爲之竇涕

汝南遺事四卷

文淵閣傳本

王陽明

愛日精廬藏書志卷十一終

愛日精舍藏書志卷十二

史部

詔令奏議類

唐大詔令集一百三十卷

舊抄本

宋 宋敏求編

闕卷十四至二十四卷八十七至九十八

凡二十三卷

唐大詔令集者先君宣獻公景祐中書第三 所纂也先

公以文章名世更內外制之選而朝廷典冊多以屬之及

入陪宰政仁宗數面命撰述於是中有中宮冊文三后不遷

及條列兵農置陸親宅朝集院等詔機務之隙因哀唐之

德音號令非常所出者彙之未次甲乙未爲標識而吳天

不弔梁木遽壞小子不有大懼失墜秘其書於家櫝者蓋
有年矣僕射王文安公累以爲問謂當垂世不朽乃緒正
舊稿益十三類總一百三十卷錄三卷文安見許序而名
之未果而公薨治平二年先皇帝簡拔孤陋冥在西掖固
欲澡雪蒙滯而鑽仰衆製方繕寫成編會忤權解職顛軀
雖無所事第取唐大詔令目其集而棄藏之云熙甯三年
九月晦右諫議大夫宋敏求謹序

西漢詔令十二卷東漢詔令十一卷 宋刊本

宋林慮編東漢詔令 **宋**樓昉編

右西漢詔令四百一章舊傳西漢文類所載尙多闕畧吳
郡林德祖慮實始采括傳志參之本紀斷章析簡掇之無

遺方舊藁在紙未遑詮錄間以示余余因取其具稿以世
次先後自高祖至平帝人別爲篇又差考歲月纂而成書
自叙其末曰古之盛王與道爲一故其酬酢之間理言遺
事皆足以爲萬世法是以事爲春秋言爲尙書而書之所
傳自唐虞夏商周上下千數百載間而存則今之五十八
篇而已由秦漢以來置學官弟子誦說研究至有白首沒
身莫能詣其極者大哉王言蓋聖人之防表也自五十八
篇而後起衰周至五代之末又千數百載間其爲詔令溫
酷簡盡而猶時有三代之遺法者唯西漢爲然其進退美
惡不以溢言沒其實其申飭訓戒皆至誠明白節緩而思
深至叢勝大壞之餘其施置雖已不合古道當人心然猶

陳義懇到雍容而不迫此其一代之文流風未泯顧猶不
可及又況文實兼盛哉昔者文中生以聖人之重自任迺
始斷自七制之主列爲四絕以續典謨訓誥誓命之文然
其書世不傳莫得而述故備載如彼德祖以學行名搢紳
方將以文詞爲時用方今昭回之章絲綸之美固以轢絕
中古陋漢唐而莫稱是書也雖未能比唐虞夏商周之隆
庶其或者亦足爲王言之斧藻尙書之鼓吹云大觀三年
歲次己丑十月壬申朔信安程俱叙

聖人者羣言之所折衷也唐虞以來凡經聖人所刊刻則
後世尊之曰經炳如日星人皆仰之莫得而損益也左氏
太史公才難名世號爲廣記備言多愛實錄而已此皆自

度去取不可望聖人故不敢以爲己任也西漢接三代末
流訓詞深厚文章爾雅猶有渾渾灝灝噩噩之餘風下視
晉魏周齊陳隋號令文采卑陋甚矣三代而上超軼絕塵
不可方駕學者勉追古人庶乎接武漢世不猶愈乎余讀
班固書同羅詔令之文一言必錄亦莫敢去取焉吾友程
子致道類次成衰遂爲完書二百年間興衰情僞不待區
別白黑較然今聖人在上衆言折衷之時也倘取而賜觀
授其若費秦誓者列諸經以詔萬世則安知其湮晦澳汨
不辭吾二人以光明乎程子精敏工於爲古文其才堪討
論潤色之職者也故於此書欣然比次不日成之越三日
甲戌吳郡林處書

文之用於世尙矣。縣三代而下，溫厚壯麗，號爲近古。宜莫如西漢。然而訓告命令之文，雜出於紀表志傳之間，雖散漫遺卒，然求之而不可得。是故學者病之。吳郡林德祖始蒐裒會粹，離而出之，章收句采，無所遺逸。四百一章，信安程致道又從而差考比輯，類爲完書。起高祖迄孝平，以世統年以年統，月以月統，事其先後有倫，其始卒有序，條貫備具，上下洽通。於是二百十四年之間，漢之所以理亂，崇替興衰，得失之原，灼然可考。如指諸掌，信乎有功於斯文也。先人有言：學者知讀西漢書，其爲辭章必有可觀。余以是言陰察天下之文士，百不失一二焉。德祖致道皆有俊才，究極羣書，溢於文辭，旣已追古作者爲徒矣。又以其餘

力釋味漢史細其詔令成一家言非深知而篤好之曷克爾惟漢去三代未遠其號令文章未必皆不合古顧不更聖人靡所折衷耳昔楊子雲以爲經莫大於易故作太元傳莫大於論語作法言今二君亦取西漢詔令纂次成書以續虞夏商周五十八篇之後是亦子雲之志也若乃經史奧義與所以述作之由則二君論之詳矣此不復云大觀三年十二月十六日宜興蔣璿書

林處跋曰處與致道成此書久矣族弟釋慶然曰主上天縱睿聖欽明文思所下詔令典雅謹嚴千載以來莫能及也將儲演綸尤當竭才少望精光學者之於文章必師唐虞三代然如西漢訓辭宜在所采以爲潤色之助願請是

書鈔板以廣其傳庶得此者便於考閱處嘉其志而不得辭遂以授之

光義侍迂齋樓先生誨席一日讀五代史先生笑謂光曰歐公作之命徐無黨註之徐六一門人也嗚呼先生之志遠矣先生生死文字間茂製滿家少須著數次第流傳惟東漢詔今成書已久手所勘訂當在他書先亟求錢梓俾與西漢詔令駢行以續成一代典章嗚呼先生又豈以此書爲身後名哉紹定戊子中秋日婿范光識

河汾王仲淹續書以存古欲取兩漢制詔接虞夏商周之緒君子議其僭雖然世有華質道有竄隆則一代之號令文章亦與之爲升降若周之委曲繁重固已不如商之明

白峻絜而所謂灝噩云者視渾渾之風則已漓矣然謂書
之後不復有書是誣天下後世也走幼嗜西漢書每得一
詔輒諷咏不忍釋噫一何其沈浸醲郁雍容雅裕入人之
深也暇日常欲掇其散在志傳者附之本紀攷其歲月以
類相從粹爲一編因循未果而吳郡林君德祖之書傳焉
走可以無述也然東都二百年間王言帝制雖乏西京渾
厚之氣若光武與隗囂公孫述竇融等書則有以見心事
之磊落焉救鄧禹馮異岑彭等書則有以見機神之英晤
焉頭鬚爲白之言平定安輯之訓與夫責劉尚以斬將弔
人之義有以見不得已之心焉驚河西感市櫟不待識者
而占其中興矣明章二帝雖不逮前烈然永平卽位之詔

有曰萬乘至重而壯者慮輕元和擇吏之詔有曰安靜之吏日計不足月計有餘其小心畏忌忠厚惻怛藹然見於言外而所與東平王酬答者讀之使人流涕也和安以降政出房闈權歸宦孺陋矣而勞來勤恤之意猶時有前人之遺風焉是未可槩以爲華不副實而併棄之也或者又曰帝王之言出於其心而發於其口故言卽其心兩漢以來率付詞臣之手亦何足錄邪嗚呼此又未深考者爾武帝以淮南王善文辭每爲報書輒召司馬相如視草天水多文學掾光武有所酬答特加意焉未必無儒生學士相與彌縫於其間也至觀文帝與尉佗書自謂高皇帝側室之子光武以司徒比堯必非代言者之所敢道矣由此觀

之漢之制詔非若後世一委之詞臣也竊不自揆倣林君
前書之體纂次成之目曰東漢詔令非敢傳之他人亦聊
以備遺忘與我同志者幸訂正而刊削之毋以河汾譏我
嘉定十有五年歲次壬午二月甬東樓昉自序

迂齋先生樓公四明儒碩也其文祖韓柳其學尊濂伊其
論議辯博步趨於老泉坡穎間平時游意藝苑採擷會粹
動有程式朝華夕秀部居條流如匠石觀於鄧林凡栴楠
杞楨方圓修短默計而潛蓄之斧斤一入了無遺材其用
力於古史若東漢詔令網羅散軼輯成一書特其及餘耳
然足以彰炎國之盛治備昭代之華典久未鏤傳日者東
粵帥卿程公以無垢先生語孟解摹本淺泐易而新之且

亟見遺因還書基以前說錄其副往公雅敬前修思惠後學必能出帑餘刊善本布之同文之世俾觀者知文章爾雅不獨專美於西都云紹定癸巳中秋日門人通奉大夫參知政事兼同知樞密院事鄭清之謹識

宋制大詔令集二百四十卷

抄本

不著編輯者名氏 直齋書錄解題曰寶謨閣直學士豫章李大異伯珍刻於建甯云紹定間宋宣獻公家子孫所編纂也而不著其名郡齋讀書志曰宋宣獻公家所編纂嘉定三年李大異刻於建甯則此書出何人手自宋已不可考矣是書哀集北宋詔令始建隆迄宣和分類編次曰帝統曰太皇太后曰皇太后曰皇太妃曰皇后曰妃嬪曰

皇太子曰皇子曰親王曰皇女曰宗室曰宰相曰將帥曰
平職曰武臣曰典禮曰政事存者凡十七類每類又各分
子目高文大冊眉列掌示炳炳烺烺亦可云制誥之淵海
矣闕卷七十一至九十三又一百六至一百十五一百六
十七至一百七十七共四十四卷又闕目錄卷一至一百
十五

郡齋讀書志曰皇朝大詔令二百四十卷宋宣獻公家所
編纂也皆中興以前之典故嘉定三年李大異刻於建甯
直齋書錄解題曰本朝大詔令二百四十卷齊護閣直學
士豫章李大異伯珍刻於建甯云紹興間宋宣獻公家子
孫所編纂也而不著其名始自國初迄於宣政分門別類

凡目至爲詳悉

范文正公政府奏議二卷

元統刊本
藏書

毘陵周氏九於迂叟

范仲淹撰

目錄後有元統甲戌褒賢世家歲寒堂刊

木印

先文正公奏議十七卷韓魏公爲序在昔板行於世雖不復存其政府奏議二帙卷中不載茲得舊本惜多漫滅將繕寫鈔梓而鄉士錢翼之見焉樂爲之書於是命工刊成置於家塾期世傳之元統二年甲戌九月八世孫文英謹

識

孝肅包公奏議集十卷

明正統刊本

宋包拯撰

張用題辭曰仁宗皇帝臨御天下四十年不自有其聖神
明智之資善容正人延讜議使其謀行忠人有補於國卒
大任以股肱者惟孝肅包公止爾或曰先朝任諫官御史
多矣不三四年歟至侍從近列然類弗遂大用又多不得
善名以去獨孝肅之進終無他客而天下不得異議者何
哉曰包公一舉甲科拜八品京官令大邑當是時同中第
者雖下流庸人猶數日月以望貴仕公拂衣去養十年亡
宦意其心亡也止知孝於親而爲得也已而還朝天子器
其才高行潔處之當路公上裨帝闕下憂民病中塞國蠹
一本於大中至正之道極乎是必乎聽而後己其心亦無
他止知忠於君而爲得也他人或才不勝任望不厭人方

且死黨背公挾憾復怨如鷲得搏若鴟肆毒頗墜於焦顙
泯滅之地以甘其心此衆所以多不得善名以去公進無
他吝而天下不得異議也初公之歸養也至畢親喪方復
任嘗有詩云秀餘終成棟精鋼不作鉤卒踐其言而得大
位美矣雖然愚謂非向仁宗皇帝至明上聖有不可感之
聰公欲必行其道於時難矣乎孔子有言邦有道危言危
行坤之六二亦曰直方大不習无不利此公所以逢辰也
公薨後三年田守廬州盡得公生平諫草於其嗣子大祀
君因取其大者列三十門凡一百七十一篇爲十卷恭題
曰孝肅包公奏議集遂納諸家廟庶與其後嗣亡窮也公
之事業始卒官闕遷拜有國史與天下公論在此不取輒

書云

孝肅包公名塞宇宙小夫賤隸類能談之第其平昔嘉謨
議論闢國家大體者雖指紳間或未盡聞廬江帥毗陵胡
公彥國倅建安章公籍一日相與言曰此邦素多奇士如
包公實間出也惜其後無顯人弗克爲之發揚因搜訪遺
藁欲傳之爲不朽計有攝助教蘇林進曰林舊藏公奏議
集十卷亡於兵火今淮差總司屬官徐公修家有是本請
往求之遂不遠數百里手抄以歸前所謂嘉謨議論悉粲
然在目矣帥倅得之喜曰茲可以廣吾志也迺倅祇若是
正訛謬鏤板郡學且命錄公傳及祠記逸事附於末其好
賢樂善之誠蓋如此不可以不識紹興二十七年九月望

日左修職郎充廬州州學教授括蒼吳祇若書。

右孝肅包公奏議十卷紹興間胡帥治廬以公本廬人巨墓祠堂在焉命置板郡學艱難悉爲煨燼獨歲時蒸嘗之奉得不廢祀典淳熙元年春郡旣肇新學宮別作公像迎致于東序懼其書之弗傳將敬摹有時而怠乃訪舊本於學正湯氏家教授嘗川吳公芸又從幕屬假番陽辛氏所藏補亡書七篇是正訛謬及遺脫計二百八十六字遂爲繕本鈐版以附新學或公之道未墜於地讀者必慕其爲人且以遺君子之鄉知名節取重於世尙友先烈幾乎道風之不泯是礪老區區建學刊書之意也夏五月書成合肥假守東平趙礪老敬書其後

胡儼重刊序

正統元年

方正跋

同下

張輔後序

成化二十年

元城先生盡言集十三卷

明刊本

劉安世撰

司馬溫公與王介甫清儉廉介孝友文章爲天下學士大夫所瞻仰然兩人所趣則大有不同其一人以正進其一人以術行介甫所學者申韓而文之以六經溫公所學者周孔亦文之以六經故介甫之門多小人而溫公之門多君子溫公一傳而得劉器之再傳而得陳瑩中介甫一傳而得呂太尉再傳而得蔡新州三傳而得章丞相四傳而

得蔡太師五傳而得王太傅介甫學行使二聖北狩嗚呼
悲哉器之在諫垣專攻王氏黨其扶持正道亦云切矣余
雖不及參識其人讀其遺藁徒深慨嘆而已紹興丙子八
月日左奉議郎充秘閣修撰知温州軍提舉學事兼管內
勸農使張九成序

先公宮傅天性嗜學於書無所不讀問之亦無不知多聞
強識自以進士貢則稱博洽元祐戊辰以彭山令丁內艱
歸寓發邑時復制科卽慨然益蒐討舊學期以是舉進居
三四年待問之業悉備人未甚知亦不求知於人世距京
不百里獨不一往或勸之曰聞從官往往薦所知未刻章
者亦既許人左右無乃後乎先公笑而答曰愚不能爾會

有知者久之至都城果如所聞唯寶文閣待制樞密都承
旨劉公難其人猶未舉也作書以謁一見稱獎乃錄所撰
策論繼見則深愛之遂應詔舉焉明年甲戌改元紹聖時
事更新公自鎮帥坐向所言事謫嶺外先公以是不與名
試緇侍側每聞言知遇特達之意欲登其門恨不能也大
觀戊子先公沒既踰歲緇扶其喪泝汴趨洛過永城聞公
寓傳舍亟往見之與進甚厚以門人之子留飯諄誨良渥
因話及初除諫官時入白太夫人曰言責之任稱職責難
依世吐茹則忝先人直道不同將蹈禍患詒慈親憂方今
孝治某撫兼侍以親辭必得請辭之如何太夫人愀然曰
是職也汝父平生修蘊欲爲而不得者今朝廷命汝汝父

之意伸矣第爲之萬一斤吾誓偕行慎無以吾撓汝素志
某再拜受教辭不獲命乃不固辭既就職則遇事極言無
留婦及孫以養某常攜它子之貶所太夫人曰吾向許汝
偕行臨事食言吾弗爲也且吾留則憂思益甚不如前邁
死生命也避可得乎家人猶疑強勉慰其子爾從容微伺
之恬恬不異平日遇患難幾三年一夕無疾而終卒無悼
怛之色嗚呼世徒知公正色立朝論議風節冰霜凜然蓋
其母大夫人之賢如此雖傳記所載賢母烈婦又何以加
所願避以報異知及後被譴卽白曰高年適炎荒非便請
諸絢以行速不果再造起立竊聞治心行己之要公命之
坐乃告之曰某少學溫公旣罷第筮仕行有日卽往別且

丐一言終身行之溫公曰其誠乎吾平生力行之其後用之不可既某曰行之何先溫公曰當自不妄語始綯服膺欽誦奉以周旋初猶勉強久乃安之凡所云爲無一不出於誠者綯心識之願學焉病未能也建炎丁未今上卽祚睢陽綯時守壽春復召爲給事中過同寮直舍傳公諫草盡言集者就觀之首見耆德魁雋世所共賢者舉錯非是公必言之不少假或者甚之綯應之曰治己如公則可苟爲不然必有蹶其後而攻之者欲傳之未暇甲寅綯自會稽得請外祠來寓崑山公季子至叔以尙事郎職事繼至綯借盡言集則已爲人所先矣獨得公所爲文元城集二十卷且傳且讀躬自是正反復推驗以求公之志趣而則

微焉今至叔除守海陵復來待次縉始求是集傳錄親校
讀玩再三備見所上章疏議論列動繫國體諷訪審訂
咸有根據嚴而恕簡而不苛氣平守固辭直事核皇皇乎
仁義之說也大旨務在人主慎微師古總攬綱柄輔臣協
恭獨直杜絕阿私凡百有位持身顧禮義莅官循法度如
是而後已則是書乃言官之模楷輔弼之龜鑑卿士大夫
之藥石緬觀其書則思其人思其人則誦其言因憶曠昔
致誠不妄之語無少不合故輒題其集後并記親聞之說
以見一語一言未嘗不根於誠也噫先公出公之門十六
年而後絢識其面又二十年而後見其集又十年而後得
其全書家藏而時觀之景仰之心蓋四十四年矣非特如

是摺紳好事者多傳其書以爲師法方將盛行於世爲時
利澤旌諸干載而未艾也綯雖老矣猶庶幾及見之紹興
六年丙辰季冬望日資政殿大學士左中大夫提舉臨安
府洞霄宮河南王綯題

元城先生南遷往還皆道曲江比得其手帖十餘紙於州
人鄧氏適刻石清淑堂上適先生曾孫孝騫自連山來訪
出其家藏盡言集十三卷因命工鏤版置之郡齋淳熙五
年戊戌閏月初吉假守括蒼梁安世謹書

國朝諸臣奏議一百五十卷

宋高宗補刊本

龍圖閣直學士朝散大夫成都漳川府夔州利州路安
撫制置使兼知成都軍府事兼管內勸農使充成都府路

兵馬都鈐轄祥符縣開國伯食邑九百戶臣趙汝愚編
是書除此本外有明會通館活字本謬誤不可枚舉如卷
四十六謝泌論宰相樞密接見賓客疏卷六十一傅堯俞
再論朱穎士李允恭疏此本俱存上半篇卷一百廿四蘇
轍乞募保甲優等人刺爲禁軍疏存首二行呂陶論保甲
二弊疏存下半篇卷一百三十三范仲淹論元昊請和不可
許者三大可防者三疏存首三頁活字本俱刪去僅可
曰以其殘闕而去之最可異者如卷廿六司馬光論任人
賞罰要在至公名體禮數當自抑損疏恩雖至厚而人不
敢妬者何也衆人下此本闕兩頁活字本於衆人下竟直
接傅堯俞上慈聖皇后乞還政疏誠贊翌授皇帝於藩邸

以繼大統卷一百廿四范純仁乞揀閱保甲疏乞並給盤
纏赴關委殿前下此本闕兩頁活字本於殿前下竟直接
王巖叟乞免第四等第五等保丁冬教及罷畿內保甲第
二疏釋然放之也不思字句之不實不顧文義之隔絕藉
非宋本尙存奚從訂正其誤板心內間有注大德至大刊
補者蓋宋刊元印之本闕卷一卷一百九卷一百四十四
至一百五十共九卷抄補

福國忠定趙公以宗臣帥長樂政成多暇輯我朝之羣公
先正忠言嘉謀粹爲一編彙分臚別冠君道跼邊防而以
總論脈絡之凡天人之感通邪正之區別內外之修攘刑
賞之懲勸利害之罷行官民兵財之機括禮樂刑政之綱

目靡所不載至蜀書成上之乙覽猷率律呂之相宣奎璧
光芒之有映蓋與畢蓋伊傅之所陳者闕宇宙同關鍵於
以見羣賢之納約自牖知無不言列聖之大度無我從諫
如流者也猗歟休哉忠定向友古人胸中有全奏議美在
其中發於其外砥天棟國雲八荒霖四海其相業之赫實
本諸此聞孫必愿縣常伯接踵是邦祇承先志思永其傳
屬泮宮以續諸梓久而未就繡衣使者史季溫念其先世
同纂輯之勤克相其事郡文學朱魏孫遂鳩攻木之工而
墨之使前賢夏愛之盛心炳炳如丹抑亦學爲忠定者也
希靜來此錄後始畢得遂披閱竊有志焉淳祐庚戌九月
既望諸王孫希靜拜手敬書

古之人臣所以告其君者不可得而詳矣考之於書皐陶之矢厥謨伊尹之作伊訓傳說之作說命周公之作無逸大抵皆從之諫疏也至於君爽之篇所以告召公者既歷舉商之諸臣而又曰有若號叔閔天有若散宜生大顛有若南宮括佻及乎周之賢臣而申言之蓋古聖賢之相告相勉者無非以前聞人爲法雖五臣之謀謨不可見以周公之言推之則遺風餘烈尙可想也漢興將相名臣議論務在寬厚意其當時蘭臺石室之所藏金匱玉板之所載一時名臣奏陳未必不萃此書降武宣以後博士議郎備中朝顧問應對者未聞舉一言以告其主宣乎武宣之治不能守高文之舊若魏相條漢興以來賢臣賈誼趙主錯董

仲舒所言奏請並行雖曰得國家之大體然考其時監造
蓋韓楊之誅開金張許史之漸宣帝雖以中興之君而爲
其禍之主烏在其爲條陳故事也惟我國朝淳化懋綱遠
接三代小臣不佞竊窺累朝國論則淳厚見於立國之初
中正作於慶厯之際矯激起於熙甯之後方其淳厚也如
大羹元酒淡乎其味朱弦疏越純如其音及其中正也則
朝陽鳴鳳而見者歌舞法筵龍象而聞者作興至其矯激
也則大冬嚴霜而松柏不彫驚濤駭浪而巨石不轉卽諸
臣之言以考一代之治雖醫者用藥各有不同而參苓烏
喙皆足以收藥石之效故當時公道大行盡言無隱忠言
極諫皆萃於朝流芳簡冊足以垂萬世之宏規逮夫紹聖

以後議論一反一覆鉗天下以一人之口揜天下以一人之目而祖宗良法美意無復一存夫以先朝名公鉅卿章疏聯篇累牘未易管窺然要其大綱則畏天命也法祖宗也恤人言也而或者乃以三不足之說反不遂使小人祖述其說以禍天下始作俑者未嘗不痛恨於荆舒也明鑒之垂前車之戒凡有志於國家者其可捨是而他求哉先正丞相忠定福王趙公異嘗編類國朝名臣奏議開端於閩郡奏書於錦城亦已上徹乙覽淳熙至今踰六十年矣蜀舊鉅木已燬於兵公之孫尚書閣學必愿繩武出填嘗命工刊刻而未就適季溫以臬事撫郡捐金命郡文學掾朱君繼孫繼成之念昔先大父蕪室客受忠定之知嘗同

蜀之名流預討論之列今既遂尙書之志亦可發揚先祖
舊事自茲家藏此書舉以告君推以治國以復我宋純懿
之治猶有望焉詩云子子孫孫勿替引之尙二家臣子參
拳繼世之忠云淳祐庚戌立秋日朝請大夫權福建路提
點刑獄公事兼本路勸農提舉河渠公事提舉弓手寨兵
借紫眉山史季溫百拜謹跋

道汝愚迄進皇朝名臣奏議劄子曰臣嘗讀漢魏相傳見
相好觀漢故事及便宜章奏以爲古今異制方今務在奉
行故事而已臣竊惟自古以來凡有國家者莫不自有一
代規模制度其事切於時而易行不必遠尋異世之法故
相爲丞相數條漢興以來國家便宜故事及賢臣賈誼晁

錯董仲舒等所言奏請施行之此最明於治體之要者也
臣學術淺陋不足仰希古人萬一然嘗備數三館雙觀秘
府四庫所藏及累朝史氏所載忠臣良士便宜章奏論議
則切無愧漢儒臣私竊所慕收拾編綴歷時寢久篋中所
藏殆千餘卷而臣識性遲鈍不能強記每究尋一事首尾
則患雜出於諸家文字紛亂疲於檢閱自昨蒙恩假守閩
郡輒因政事之暇與數僚友因事爲目以類分次而去其
複重與不合者猶餘數百卷釐爲百餘門始自建隆迄于
靖康推尋歲月粗見本末上可以知時政之得失言路之
通塞下可以備有司之故實史氏之闕遺然雖廣記備言
務存聖代之典若匪爰煩舉要恐勞乙夜之觀臣欲更於

其間擇其至精至要尤切於治道者每繕寫成十卷卽作
一次投進伏望時於間燕深賜考詳庶因藥石之規能致
消塵之益然則臣身雖在嶺海猶如日侍冕旒之側也幸
甚幸甚如蒙聖慈允臣所奏伏乞送尙書省劄付臣照會
施行取進止
宣統十三年正月一日三省同奉聖旨依

又序曰臣竊維國家治亂之原係乎言路通塞而已蓋言
路既通則人之邪正事之利害皆得以其實上聞人君以
之用捨廢置罔有不當故其國無不治言路不通則人之
邪正事之利害皆壅於上聞雖或聞之亦莫得其實人君
以之川捨廢置不得其當故其國無不亂臣嘗以是歷觀
前古上自周秦下及五季相望數千載間或治或亂俱同

一轍然則天地之至理古今之常道無易於是矣恭惟我
宋藝祖開基累聖剛業深仁厚澤相傳一道若夫崇建三
館增置諫員許給舍以封還責侍從以獻納復唐轉對之
制設漢方正之科凡以開廣聰明容受謠直海涵天覆日
新月益得人之盛高掩前古逮至王安石爲相務行新法
違衆自用而思人之莫己從也於是指老成爲流俗謂公
論爲浮言屏棄忠良一時殆盡自是而後諂諛之風盛而
朋黨之禍起矣臣伏觀建隆以來諸臣章奏考尋歲月蓋
最盛於慶厯元祐之際而莫弊於熙甯紹聖之時方其盛
也朝廷庶事微有過差則上自公卿大夫下及郡縣小吏
皆得盡言極諫無所諱忌其論議不已則至於舉國之士

咸出死力而爭之當是時也豈無不利於言者謂其強聒
取名植黨干利期以搖動上心然而聖君賢相卒善遇而
優容之故其治効卓然士以增氣及其弊也朝廷有大黜
陟大政令至無一人敢議論者縱或有之其言委曲畏避
終無以感悟人主之意而獻諛者遂以爲內外安靜若無
一事可言者矣殊不知禍亂之機發於所伏今尙忍言哉
臣仰惟陛下天資睿明聖學淵懿顧非羣臣所能仰望而
若稽古訓虛受直言二紀於茲積勩不倦若命館閣儒臣
編類國朝文選奏疏百五十六篇猶病其太略茲下 臣
既愚且陋復許之盡獻其瞽萬機餘閒幸賜紉繹推觀慶
曆元祐諸臣其詞直其計從而見効如此熙甯紹聖諸臣

其言切其人放逐而致禍如彼然則國家之治亂言路之
通塞蓋可以鑒矣臣不任惓惓之誠龍圖閣直學士朝散
大夫成都潼川府夔州利州路安撫制置使兼知成都軍
府事兼管內勸農使充成都府路兵馬都鈐轄祥符縣開
國伯食邑九百戶臣趙汝愚謹上

歷代名臣奏議三百五十卷 明永樂刊本

明黃淮楊士奇編

愛日精廬藏書志卷十二終

愛日精廬藏書志卷十三

史部

傳記類

孔氏祖庭廣記十二卷

易本

從錢塘何氏藏蒙古刊本傳錄

金孔元措撰

元措字夢得先聖五十一世孫也先是元

豐八年先聖四十六世孫宗翰撰家譜宣和六年先聖四十七世孫傳撰祖庭雜記夢得合爲一書又博考前史旁參傳記分門臚載凡族世名號典禮沿革之始末及歷代崇奉先聖故事並詳著於篇其兩漢至金林廟神刻備錄全文以垂永久又圖聖像廟宇山林手植檜等列於卷首名之曰祖庭廣記蓋仙源之文獻至是始大備矣後有大

蒙古國領中書省耶律楚材奏准皇帝聖旨於南京特取
製封孔元措令赴闕呈奉祀來時不能挈負祖庭廣記印
板今謹增補校正重開以廣其傳云云後題壬寅年五月
望日少王寅爲蒙古太宗皇后尼瑪察氏稱制元年彼時
蒙古未有年號止以干支紀歲在宋則淳祐二年也是書
文淵閣書目著錄何若夢華從曲阜購得金吾從之傳錄
者

舊書家譜并雜記分三卷門類一十八計五百四十三字
新書并世次添九卷於舊書內襄山門類五册增門類三
計二百九十七事分一十二卷類二十六門計八百四十
事

先聖傳世之書其來久矣由略積詳愈遠而益著蓋聖德
宏博殆有不可殫者爰自四十六代族祖知洪州軍州事
柱國纂集所傳板行四遠於是乎有家譜尙冀講求以俟
他日逮四十七代從高祖邠州軍州事朝散克承前志維
原譜牒參考載籍摘拾遺事復成一書值宋建炎之際不
暇鏤行至四十九代從祖主祥符縣簿承事懼其亡逸證
以舊聞重加編次遂就完本布之天下於是乎有祖庭記
二書並行凡縉紳之流靡不家置獲覽聖迹與夫歷代褒
崇之典奕葉繼紹之人如登崑崙而披日月咸快瞻仰比
因兵災闕里家廟半爲灰燼中朝士大夫家藏文籍多至
散沒豈二書獨能存歟元措托體先人襲封世嗣悼斯文

之將泯恐祖牒之久湮去聖愈遠來者難攷迺與太常諸公討尋傳記及諸典禮於二書之外得三百二事皆往古尊師之懿範呈朝重道之宏規前此所未見聞者於是增益二書合爲一編及圖聖像廟宇山林手植檜等列於篇首題曰孔氏祖庭廣記其兩漢以來林廟碑刻舊書止載名數今併及其文而錄之蓋慮久而磨滅不可復得且先聖生於周靈王二十一年庚戌迄今凡一千七百七十八歲其間絳世變亂不知其幾而聖澤流行無有窮已固不待紙傳而可久也然所以規規爲此者特述事之心不得不然是書之出也不惟示訓子孫修身慎行不墜先業流芳萬古是亦學者之光也正大四年歲次丁亥十月望日

資政大夫襲封衍聖公知集賢院兼行太常丞五十一代
孫元措謹記

古之君子皆論譏其先祖之德明著之後世蓋先世有美
而不知者不明也知而不傳不仁也明足以見仁足以顯
然後爲君子故素王之孫穆公師子思首論祖述憲章之
道觀相子順稱相魯之政化漢博士子國復推明所修六
經垂世之教當世莫不賢之自夢奠兩楹之後迄今千七
百載傳家奉祀者數盈五十繼繼公侯象賢載德如聯珠
疊璧輝映今古於乎休哉聖人之澤流光如此後之人能
奉承不墜又如此宜有信書廣記備言顯揚世美以示子
將來傳之永久于是襲封資政公因家誥庭記之舊質諸

前史叅以傳記併錄林廟累代碑刻兼述皇統大定明昌
以來崇奉先聖故事博採詳考正其誤補其闕增益纂集
共成一書凡一十二卷名曰孔氏祖庭廣記應祖庭事跡
林廟族世古今名號典禮沿革之始末並列於篇粲然完
備於國則累朝尊師重道之美靡所不載于家則高曾祖
考保世承祧之美靡所不揚故先聖配天之德愈久而愈
彰隱若資政公者可謂仁明君子能世其家者也資政公
嘗以書示予予歛衽觀之既欽仰其世德又嘉公之用心
得繼志述事之義乃磨鈍彫朽爲之題辭焉正大四年歲
次丁亥十月丁未朔資政大夫前尙書左丞致仕張行信
孔宗翰家譜書引曰家譜之法世次承襲一人而已疎畧

之弊識者痛之蓋先聖之沒于今一千五百餘年宗族世
有賢俊苟非見於史冊卽後世泯然不聞是可痛也如太
常諱咸臨淮太守諱安國丞相諱光北海諱融蘭臺令史
諱儋議郎諱昱纔十數人非見於漢史皆不復知矣魏晉
而下迨于隋唐見紀者止百餘人按議郎本傳云自霸至
景七世之內至卿郡守者五十三人列侯七人今考於傳
記乃知所遺之多也宗翰假守豫章恩除魯郡將歸之日
遽以舊譜命鐫版用廣流傳或類曰求以待他日實宋元
豐八年十一月二十四日國十六世孫朝議大夫知洪州軍
州事兼管內勸農使充江南西路兵馬鈐轄柱國賜金魚
袋宗翰謹題

孔傳祖庭雜記舊引曰先聖沒迄今一千五百餘年傳世
五十或問其族則內求而不得或審其家則舌舉而不下
爲之後者得無憤乎竊嘗推原譜牒參考載籍則知鄭有
孔張出於子孔衛有孔達出於姬姓蓋本非子氏之後而
徙居於魯者皆非吾族若乃歷代褒崇之典累朝班賚之
恩寵數使蕃固可枚陳而列數以至驗祖塋之道書訪闕
里之陳迹荒墟廢址淪沒於春蕪秋草之中魯尙多有之
故老世世傳之將使聞見之所未嘗加接於耳目之近于
是彙其逆事綴所舊聞題曰孔氏祖庭雜記好古君子得
以觀覽焉時宋宣和六年歲次甲辰三月戊午曲阜燕居

右聖蹟

晏子春秋八卷

元刊本

吳方山藏書

周晏嬰撰

凡內篇六卷外篇二卷合八卷卷首有吳岫

邱記

劉向序

吳氏手跋曰顧英玉先生南都清介丈夫也以憲副罷官而兄時爲大司寇家无長物出宦日所得書貨以給日躬疊冊門左顏無怍色予重其所爲隨所質得二書嗚呼誦往哲之懿言法時賢之景行小子何幸於此兼得二書晏子春秋其一大唐六典其一蘇郡後學吳岫筆

魏鄭公諫錄五卷

明正德刊本

王方慶撰

曾大有重刊序 正德二年

是書字畫之疑偏旁之誤呼吸之譌莫不讐正至若闕文非史有所證則姑存其舊不敢增損蓋春秋夏五郭公之意也茂陵馬萬頃謹書

李名

跋曰魏鄭公諫錄五卷唐藝文志以爲魏徵諫事司

馬文正通鑑書目以爲魏元成故事蓋一書也鄭公事太宗以諫爭爲己任前後二百餘奏無不剴切當帝心世徒聞其語而見於史纔斑斑焉至於問對之辭往往略去間有登載或文之太過其君臣之間相與以誠不事形跡往復難詰而詞語無所緣飾則於是書乎見之是爲有補世

教不可以不傳

陳叔進舍人得本以屬予客馬叔

度校正凡謬誤一百四十五字刊於齋清熙己亥十月上

澣吳興

下

杜啟重刊後序

正德二年

李相國論事集六卷

文淵閣傳抄本

唐時借撰

原七卷今佚一卷從歷代名臣奏議補錄四

條附後又卷六上言德宗朝事條卿等當悉之下脫七十

餘字論邊事條選擇公忠清下脫二十字俱從名臣奏議

校補

蔣偕序

大中五年

襄陽耆舊傳一卷

明五雲溪活字本

不著撰人各氏

所叙人物上起周秦下迄五代蓋宋人

因習鑿齒原本重編者板心有五雲溪活字兩行

系右漕司舊有此版歲久漫不可讀於是鉅木青棉齋庶
幾流風遺跡來者易考焉紹熙改元初伏日襄陽守延陵
吳琚識

豐清敏公遺事一卷

舊抄本 萊竹堂藏書

章貢李朴編次 卷首有葉氏萊竹堂藏書印記板心

有怡顏堂鈔書五字

右清敏公遺事一編公之季孫漸自番禺道賴石扣門通
家世出以謂朴曰惟清敏公遭際盛時受知神廟逮事泰
陵元符末命首蒙召擢執法中司出入侍從歷三十年直

道危言諸老先生知稱頌之惟是平生章奏隨手焚棄晚
陷鈞黨有旨搜取隻字不留雖了翁誌公之墓猶止序次
爵里狀不敢一言及於行已痛念先君伯父不幸皆早世
二兄相繼淪亡漸時方童稚無所聞見不能追先世以詔
後嗣俾公之遺事久而湮沒異時史官無所考載罪在漸
輩賴外兄頴昌郭維以儒學修謹侍清敏公左右最久能
據其本末歷歷如數一二問於搢紳故家求得遺文猶有
存者亦庶幾焉幸加編次以垂永久樸於先生尙預門下
士仰惟公清德重望被遇三朝始終一節表表在人耳目
中與天子追褒賜謚足以發潛德之幽光矣豈待斯文而
後顯也漸曰我祖恬夷靜退不求聲名今之所錄非以夸

世姑著爲家法云爾乃不敢辭門人章貢李樸識

仲尼亟稱于水曰水哉水哉其詞約而旨微矣而孟子論其所取之意乃取以原泉直混不舍晝夜盈科而後進放乎四海者言之非其深造默識有以得乎聖人之心孰能知其所說之如此而有志之士欲有爲於此世者又豈可以不察乎此而先立其本哉然自聖賢既遠道學不問士大夫不知用心於內以立其本而徒恃其意氣才力之盛以能有爲於世者蓋亦多矣彼其見聞之博詞令之美論議之雄簡槩之高一時之間從其外面觀之豈不誠有以過人者然採其中而責其實要其久而待其歸求其充然有以慰滿於人心而無一瑕之可指者則什百之中未見

其可以一二數也嗚呼若故禮部尙書縉雲清敏公者其
眞所謂有本者歟觀其平居暇日所以治心養氣而修諸
身者蓋天下之物無足以累其志是以爲子則孝爲吏則
廉進而立乎本朝則上自宗廟以及人主之身內自禁掖
近幸之私而外及乎朝廷卿相之重知無不言言無不盡
蓋有當時法家拂士所爲低回遷就而詭詞以幸濟者公
獨正色立言無少顧避退未嘗以語乎家而其計慮之明
諫說之切所以不諧於時而卒驗於後者乃反因深文巧
詆之筆而役顯及其出而賦政於外退處於鄉以至流放
轉徙於荒寒寂寞之濱而遂奄然以沒其世則其所以處
乎世細顯微之間者又皆清明純潔而無一豪之歎是非

所謂原泉混混而放乎四海者耶孔子之歎孟氏之言於是而益見其不我欺矣熹愚不肖生長窮鄉聞公之名而鄉往之久矣獨恨未能盡得其行事之本末前年公之曾孫中散大夫誼持節南來亟往請焉大夫公乃出是書而遂以其序見屬熹不得辭也因次是說以附於章貢李公跋語之後雖於公之懿德剛行剛毅大節無能有所發明然使讀公之書而卽高山行景行者知循其本而用力焉則亦世道人材之一助而非獨爲豐氏之私也大夫公清苦廉直勤事愛民屢爲刺史二千石入居郎省皆有顯聞然多不得久於其官蓋有公之風烈云紹興二年夏四月戊寅朔朝散郎直寶文閣權發遣漳州軍州事朱某序

种太尉傳一卷

舊抄本

汲古閣藏書

宋

河汾散人趙起得君拔

卷首有毛子晉毛斧季印記

漢丞相諸葛忠武侯傳一卷

舊抄本

宋

廣漢張栻撰

廣漢郡張栻曰三代衰五伯起而功利之說盈天下謀國者不復知正義明道之爲貴三老董公獨得宏綱以告漢高帝惜高帝猶未能盡其用也武侯當漢祚之季乃能執其機而用之其言曰漢賊不兩立臣鞠躬盡力死而後已至於成敗利鈍非臣之明所能逆睹嗚呼此夏少康四十年經營宗祀而卒以配天之木心也若侯者可謂有正大之體矣自幼讀書獨觀大畧晨夜從容抱膝長嘯其胸中所見豈淺識所能窺哉高臥隆中不求聞達蓋將終身焉

昭烈漢室之胃也而三顧之於草廬 義旣正好賢之意
又篤安得不以身許之昭烈與 一以道義而忘
勢受遺之際君臣肝膽相照 迹何其盛

也侯恢復規摹先務爲根本之計 建興初務農訓兵內
治國事國事旣定北向致討軍旅將發拳拳之心實在後
主拜表納忠反復曲折專以宮中府中之事爲言且陳親
賢臣遠小人之義薦郭攸之等使在左右一篇之中三四
致意焉而其終章尤爲切至侯之慮抑深且遠矣卽侯行
事而觀之絕姑息之私意本常理之大公如明鏡洞然四
達其間過惟恐不及見善若出諸己用人各盡其器能至
或有罪雖入幕上賓如馬謖流涕斬之而弗釋也故李平
廖立旣被廢放沒齒懷德蓋侯於斯世所欲不存焉娶婦

雲韓堂紹陶錄二卷

舊抄本

宋泰山王質述

孔子之壽嘆鮮矣夫一嘆顏子賢哉回也一簞食一瓢飲
在陋巷人不堪其憂回也不改其樂再歎曾子莫春者春
服既成冠者五六人童子六七人浴乎沂風乎舞雩詠而
歸喟然嘆曰吾與點也孔子間微宣其至情儼疏食飲水
曲肱而枕之樂亦在其中矣不義而富且貴於我如浮雲
夫惟忘世故能濟世行夏之時乘商之輅服周之冕樂則
韶舞在顏子固從容矣鳳鳥不至河不出圖吾已矣夫在
孔子仰標末哉好事功者事功起而本身沉好名義者名
義著而真心隱聖賢超然遺之數內在世數外在天世有

推移天無變遷卽死生觀聖賢然耶又況逆順成虧平原
始反終故知死生之說既知矣何加焉晝夜之道幽明之
故死生之說一也朝聞道夕死可矣非耶予欲無言此之
故也噉簞瓢之所欣玩沂雩之所適默以曲肱會之則紹
陶之錄姑存可也王質序

种太尉傳一卷

舊本 汲古閣藏書

宋 河汾散人趙起得君撰 卷首有毛子晉毛斧季印記

漢丞相諸葛忠武侯傳一卷

舊抄本

宋 廣漢張栻撰

廣漢郡張栻曰三代衰五伯起而功利之說盈天下謀國
者不復知正義明道之爲貴三老董公獨得宏綱以告漢

高帝惜高帝猶未能盡其用也獨侯當漢祚之季乃能執其機而用之其言曰漢賊不兩立臣鞠躬盡力死而後已至於成敗利鈍非臣之明所能逆睹嗚呼此夏少康四十年經營宗祀而卒以配天之本心也若侯者可謂有正大之體矣自幼讀書獨觀大畧晨夜從容抱膝長嘯其胸中所見豈淺識所能窺哉高卧隆中不求聞達蓋將終身焉昭烈漢室之胄也而三顧之於草廬義既正好好賢之意又篤安得不以身許之昭烈與一以道義而忘勢受遺際君臣肝膽相照

迹何其盛

也侯恢復規摹先務爲根本之計建興初務農訓兵內治國事國事既定北向致討軍旅將發拳拳之心實在後

主拜表納忠反復曲折專以官中府中之事爲言且陳親
賢臣遠小人之義薦郭攸之等使在左右一篇之中三四
致意焉而其終章尤爲切至侯之慮抑深且遠矣卽侯行
事而觀之絕姑息之私意本常理之大公如明鏡洞然四
達其間過惟恐不及見善若出諸己用人各盡其器能至
或有罪雖入幕上賓如馬謖流涕斬之而弗釋也故李平
廖立旣被廢放沒齒懷德蓋侯於斯世所欲不存焉娶婦
汚南稚賢是取人之謔笑不復顧也身都將相三十年間
家之所有僅足子弟衣食之奉及其旣沒內無餘帛外無
贏財視天下無一足以動乎中者其正大之體豈不宜哉
侯之事後主小心恭恪一國之柄舉出其手而人不知其

爲權彼懷姦稔逆竊窺人宗祀者雨雪見睨而謂侯敵
哉侯之規摹至使耕者雜於渭濱而軍無私焉與國之復
已恢恢然在目矣不幸薨謝匪大數然歟或謂侯勸昭
烈取荊州爲不義不知劉琮旣已迎降於操則荊州固魏
之荊州矣于以取之豈不正乎惜昭烈之失此機也又或
謂魏延之策惜侯不用不知夫天將昌漢以侯之舉措掃
禽亂賊直餘事耳行險僥倖非侯志也嗚呼秦漢以來士
猛於戰國之餘習張子房爲拔出者而猶未免乎雜以伯
術若侯真豪傑之士無文王猶興者耶然使侯得游於洙
泗之門講學以終之則其所至又非所知也予每恨陳
壽私且陋凡侯經畧次第與夫燭

國用人馭軍

行師之要悉聞而不章幸雜見

松之所注因

裏而集之不敢飾辭以忘其 其妄載非實者則削之庶
幾讀者可以得侯之心近世鉅公作史書編年乃以魏年
號接漢獻之統故其所書名不正而言不順予謂獻帝雖
廢而昭烈以正義立於蜀武侯輔之漢統未墜地也要盡
後主末年始係魏年號爲正始侯在隆中傳稱以管樂自
許予謂侯蓋師慕王者之佐其步趨則然豈與管樂同在
功利之域者哉意其傳者之誤故不復云

又曰予既作侯傳以示新安朱元晦元晦以予不當不載
以管樂自許事謂侯爲後主寫申韓管子六韜之書及勸
昭烈取荆益以成伯業可見其所學未免平駁雜其說亦

美矣而予意有未盡者侯之所不足者學也予固謂使侯
得游於洙泗之門講學以終之則所至又非予所知不無
深意矣然侯胸中所存誠非三代以下人物可睥睨豈管
樂之流哉時有萬變而事有大綱大綱正則其變可得而
理方曹氏篡竊之際孰爲天下之大綱乎其惟誅賊以復
漢室而已侯既以身從帝室之英胄不顧強弱之勢允執
此綱終始不渝管樂其能識之乎使侯當齊桓之時必能
率天下明尊王之義協相王室期復西周其肯務自富其
國而忘天下之大訓乎使侯當燕昭之時必能正名定國
撫其民人爲天吏而討有罪以一天下之心其肯趨一時
之近効志在土地珍寶而自以爲功莫大乎是其心度與

侯絕相遑遑故不欲書以貳觀聽按本塞源之意也予讀
出師表見侯所以告後主一本於正其所以望其君者殊
非刻核陰謀之說

可闕也侯在草

申韓等書之事亦疑之疑則
遂定取荊益之計蓋侯之心

欲昭烈以興復漢室爲己任以興復漢室爲己任則天下
諸臣內懷圖者吾固得以正名而討之矣時昭烈未有
駐足之地也應觀諸國劉氏不能守益是誠天所資也若
昭烈以荊益無志討賊坐務自大正其罪而代之則夫誰
敢不服然昭烈之爲人徇於小不忍而妨大計故劉琰降
操荊益可取而不取是侯之策昭烈猶有未能盡從者也
及狼狽而遁雖藉吳之力敗操赤壁然終迫於吳乃始入

蜀以諸計取之予知侯於此時蓋亦有黽勉不得已焉者
非草廬所以告昭烈之本意也嗟乎五伯以來功利之說
盈天下大義榛塞幸而有若侯者堅守其正不以一時利
鈍易不共戴天之心庶其可以言王道者故予推明其本
心證以平生大節而削史之說有近於霸術者區區妄意
扶正息邪而不自知其過也然侯之於學爲未足者奈何
知有未至也知有未至則心爲未盡未能盡其心則於天
下之事物有所不能徧該而以一貫之也故昭烈諸敗劉
璋於行一不義殺一不事之道終爲有魏侯當此時處之
亦有未盡焉若夫開國建后大事也而奉冊所立者乃亡
國之宗婦以日易月後世之大夫也而昭烈之喪冢宰所

贊者乃固謬之禮茲可見其學之未至歟然則常斷之曰
若侯者體正大而學未至者也故備列於此以與朋友其
謹焉

直齋書錄解題曰諸葛武侯傳一卷侍講張栻撰以陳壽
作史私且陋裒集他傳及裴松之所注爲此傳而削去管
樂自許一則朱晦翁以爲不然又爲後論以達其意謂其
體正大而學未至使得游洙泗之門所就不止此

鄂公金佗粹編二十八卷續編三十卷

元刊本

宋 奉議郎權發遣嘉興軍府兼管內勸農事岳珂編進

宋高宗承祖宗之緒雖開闢播越退保江南然與漢光武
不階尺土者異矣而靖康之敵又非新室赤眉之比而渡

將相肺腑附爪牙之臣亦非若曩時馮異杖劍而崛起者加以重熙累洽之仁漸摩浸漬淪膚浹髓垂二百年一旦兩宮蒙塵宗社爲墟中原父老日夜歔歔思宋不滅三輔然光武弟兄徒步南陽左袒一呼盡復高皇帝舊物其故何哉蓋光武知人明見萬里高宗舉國聽於權臣故同溪之敗馮異之罪小朱仙鎮之捷岳飛之功大光武不以一挫之失忘遠圖故異卒以再造之功興漢室高宗不能因戰勝之鋒用岳飛而徇主和之議任秦檜故以恢復自任者適足以媒忌嫉之口以忠貞許國者卒無以逃鍛鍊之禍夫所貴乎中興之主者不以其能雪父兄之恥光祖考之烈乎令舉垂成之業而棄之使馮異君臣專美於千載岳

飛父子銜冤於地下此孝子忠臣所以讀金佗粹編者未嘗不爲高宗惜也飛父子沒餘二十年孝宗受禪其孫珂實始以顓天辨誣錄詣闕訴上由是詔賜墳廟復爵位頒封謚祿道孤時高宗爲太上皇猶及見之吾意其北望舊京必恨不誅秦檜以謝天下嗚呼已無及矣編總若干卷今江浙行中書平章政事兼同知行樞密院事吳陵張公命斷事官經歷吳郡朱元佑重刻且曰西湖書院岳氏故第也宜序而載諸至正二十三年三月甲子左右司郎中臨海陳基序

古者傳書有公私之異五十九篇上世之書也則更寫竹簡悉上送官藏名山而副京師蓋非金鑲石室之故文不

得以並錄一家之記載若可以備史闕矣捐筆廢紙僅得
不泯而著書遺札雖關國大議如封禪者亦必俟詔求而
後徵聞書之不可苟傳如此開陽刻經實存六藝親藩請
史弗昇權謀著之舊章雜見可考越自銘碣起漢著錄盛
唐而後世之潛德幽光或者託植楹之遺以詒久集錄固
多見矣文詞之富著作之工亦惟與栢棖之澤俱傳子家
豈非疏戚緬殊觀覽隨變孝子慈孫之用心固不得以責
塗人之如己而徇時棄置視物重輕於蠅車覆瓿亦出於
理之或至者歟嗟呼事病於違時誼信於同欲斷壺而致
千金之用人固未必逆信酸鹹土炭顧嗜者或均取焉盍
亦觀諸理而已世固有問百年之血食而推其餘烈考前

人之逸事以上之史官況當規恢大有爲之秋魚復之圖
穀城之畧豈無一二可俎豆於斯世據其所當行稽其所
可驗而勿視之芻狗之已陳則雖公天下之傳可也珂試
守攜李之明年始刻家世籲天之書於郡塾卽漢制佩章
之義粹五編爲一名之曰金佗惟先王勲在王家名在國
史遺跡之存者文昌章公固嘗傳而上之朝旣碑之襄陽
又梓之江夏當世名公鉅卿拊舊輿懷盛心激烈尙欲作
九京而起之也其忍以遺孤之不自遂卽人而廢其言乎
故刻傳不疑而豫比於罔羅放失之助厲世開功名者或
將有考焉耳不然寫琬炎積錄細猶珂之私書也而何敢
辱郡故府之藏嘉定著雍攝提格歲橘涂初吉珂謹序

天定錄既成書刊錢而傳惻然若干感焉復從而系之曰
嗚呼天下之理託於物而後傳者要其終必不可恃雖勢
也而理則存湯盤衛鼎淮碑岐鼓銘之所託以傳也吾意
古人之所以錢者其勲明昭宣其令德一時視之者若可
以不朽矣而千載之下或仆或缺或湮或沒博雅之士歆
豔其聲烈欲一挹而不可得雖培塿剔藪杳不得傳而若
盤若鼎若碑若鼓顧乃託其所託以自見於世悲夫物之
不可恃蓋如此且天下之堅且久者莫若金石曾幾何時
而蕩爲浮埃收爲太虛凡吾之所恃以傳者悉從而反之
而珂乃欲以區區無賴之文以昭明先王遺忠於萬世之
下甌覆未可期偕曰猶在安知其不胥爲失所恃也謏學

隨聞童蒙顓魯文字不足以傳於遠姓名不足以昭於時
則藏之名山散之通都大邑傳之其人珂固不得與斯舉
也則豈特反所恃而已哉嗚呼以先王之忠之節而聖朝
推是非常之典使得一世立言君子紀而傳之雖千萬世
焉可也而獨以珂之愚不肖惕然反顧凜無所恃以傳念
至如此則珂不孝之罪誠上通於天矣於珂猶竊有所恃
者以爲先臣報國之心昭如敷日正理之在人心邈然有
不可泯珂以七十年譏誣未白之先凡公議之所予下缺
論或庶幾焉嗚呼此或可恃也四方萬里之廣名人鉅公
之衆苟能哀其心而進之則此書亦或可傳也是故珂之
所恃者在彼而所託者在此誠使人心有公議天下有正

理則忠邪是非之辨固已在於追襲未逮之先而特昭明
於殊恩既霽之後方其未辨是理未嘗不存及其既明是
理亦未始增益則是書不傳可也不作亦可也嗚呼羣陰
扇邪異論方興先王障狂濶於不可支之際卒從以靡方
是時也身且不計而況於名乎一時之名且不計而況於
後日之名乎身與名俱所不計而況於是書之傳否乎嗚
呼先王誠得所恃矣珂何有焉若夫金石之必不可恃而
反恃其所託以存則不可以諸孫之無聞而遂忽然也方
公道宏開真儒才艱執椽筆而發幽光者頂背相望豐
碑隨道奎壁下臨有祖崇之故事在珂雖無似尙當嗣諸
於朝則所以恃者其又庶幾乎嗣歲孟陬之月癸丑朔珂

後序

岳鄂忠武王之孫有名珂者彙集王之豐功茂績者爲金
佗粹編凡若干卷其版舊刊之嘉禾歲久版脫壞無存其
文藏諸民間者又遺闕而無全書有府經歷朱君佑之乃
爲之徧求四方得其殘編斷簡參互攷訂合其次第始克
成書復得續集五卷於平江蓋江西本也通爲□□□比
前尤詳於是將刻梓於平章相國大新祠宇之後邸中陳
君初菴爲之序予惟是編視宋史加詳而王之豐功茂績
雖昭如日星得此編宜無遺憾矣竊嘗因是而論之宋高
宗之有忠武王猶周宣之有方召漢光之有鄧禹也奈何
高宗非宣光之匹優柔而不能斷卒俾死於奸桎竊弄神

器之手可勝惜哉嗚呼高宗豈真不知也耶向使王之事
蹟不顯者忠心不明白則寢問之命亦豈無護佞之人之
可入哉當是時金人兀朮正彊而諸將若張韓楊王輩莫
敢與敵獨挫於王之手若孔子耳肩此以復中原卓有賴
者特以車駕南行倦於北顧雖王屢有事機之可復朝廷
未嘗不嘉之而亦未嘗不沮之此其所以爲可惜也所大
可惜者朱仙鎮之役一鼓渡河則金人束手就擒兩河望
風待下天下之定固在此舉方以此振兵而班師之命已
至豈奸檜者果有措天下之謀哉特以循常嗜瑣而不能
有所爲耳吁中原之地自此不可復父兄之讐自此不可
報太行忠義之社兩河歸戴之民遮道而哭從師而南朝

廷其果忍聞之哉曾不此之料而且彼之圖宜乎符洛下
書生之言而終爲秦檜之所誣也吁宋德至此亦涼矣然
檜者雖能逞志於一時不能免誅於千載此王之事業所
以愈遠而愈光宜乎刻之金石傳之竹帛者代有仁人君
子之所相崇尚也觀是編者必有感於斯宋君佑之名元
佑吳門之世家云會稽戴洙序

續編序曰易曰大君有命開國承家夫辨五等遷羣辟

於經綸草昧之初列爵於崇德報功之後 先哲王

之所以公天下而非以爲一家之私也庭堅之通種逮於
蓼六周召之夾輔載于燕魯大勲開四履盛德祀百世是
國也非所謂世其家者歟國有春秋家有譜牒紀事雖殊

爲用不廢夫其著鼎彝登旂常旂土疇功此國之所縣開也昭明其湮蝕罔羅其放軼廣記備錄思以盡爲子若孫之心又豈非傳家克承者之責耶先王佩佗綬于鄂珂不肖幸因今天子需泰時之澤獲以支邑紹分舊封亦旣頒蒲瑞於朝執而歎曰三趙命名此贊皇氏之命以不忘乎先也家故有金佗編因先爵以叙遺烈嘉定戊寅善刻之攜李矣而辛巳之襄忠乙酉之錫謚異渥殊榮焜耀狎至則未之續也行有述也而弗該乎絲綸見聞有取也而莫並乎百氏宸奎之藏扣閤之已進嘗彙之於前矣而搜訪之嗣獲顧闕之於後天定之錄非劉之曠典槩表乎其未矣而思陵之盛心反略乎厥初顧其可已哉夫析圭儻爵

上之恩也馳德流慶先王之澤也知侈金佗之寵而不知
乎櫛沐以致之之功知家之承而不知國之所以開之之
自斯責也珂將奚辭卽觚槩之末伎以文其肯堂析薪之
未能何異乎持并辟統以白獻猶竊恕曰易之所以開國
承家者或在於是斯又類乎聞鍾揣簫以求乎日者也凡
書四種合三十卷命之曰續蓋以合攜李舊刻同爲一編
云嗚呼是續也焉知其不復續子孫之心聞斯傳之其又
何時而可已耶紹定改元歲重九日珂謹序

鄧王劉公家傳三卷

舊抄本

不著撰人各氏

光世律身不嚴馭軍無法不肯爲國任

事方之韓岳不迨遠甚是書疑出當時僚屬之手故傷陳

戰功往往過實然光世事迹敘述頗詳所載御筆制誥備錄全文可與宋史相參考此本趙清常從文淵閣宋本傳錄卷一闕

閣本宋刻廊王劉公家傳二卷乃劉光世之家傳也第一卷脫十八葉惟存十九葉尾張而已三卷止於紹興元年不知後當逸去幾何卷姑錄之以俟異日世稱張韓劉岳爲中興四大名將張俊卑卑無足道且傳曾秦檜而殺岳飛罪不容誅矣光世亦瑣瑣孱弱何以勵名其間吁亦幸矣豈四人者同時俱爲大帥故世人順口而稱耶不然劉錡之矯矯者乃不得並稱哉夫亦以其役於四人而已清常道人志昔萬歷三十九年季冬念有五日初漏下書於

奉常齋中

劉文靖公遺事一卷

舊抄本

中奉大夫浙江等處行中書省參知政事趙郡蘇天爵
編次 板心有怡顏堂鈔書五字

復齋郭公言行錄一卷

元刊本

福州路儒學教授徐東述 郭公名郁汴之封邱人金

末避兵徙大名仕元歷官至福建都轉運鹽使數歷中外
所至有聲東採撫聞見撮其切要依朱子名臣言行錄例
爲郭公言行錄備載居官治民事跡自初掾都省至除福
建鹽使凡十條後附福州路儒學陳御史臺狀又舉狀暨
郭公義田牒文

工食技傭食力士大夫食其言行故無技者不能食以工
無力者不能食以傭士大夫思工與傭之必以技以力而
得食於人甯不思仕之所以得食於君者當何如可以素
食否乎經曰非先王之法言不敢言非先王之德行不敢
行此爲卿大夫言也時有窮達祿有崇卑而言行不敢不
勉方其言行未見知也則仲尼食於乘田委吏不以爲淹
及其言見信於上行見信於世則伊尹周公相天子致太
平分土而食不以爲泰與其守口以待時豈不愈於撐腸
而哇以菑其身哉昔人有言曰宰相須用讀書人謂其有
言行可爲法爲則於天下亦有口書耳書而心與書違者
是猶穿窬竊貨而不竊經籍工與傭肯爲是乎君子學而

仕仕而學言顧行行顧言以此食君之祿則和而安淡而
爽飲清冷如醕耐然奈何人莫不飲食知味者鮮高車駟
馬滿天下而其言行可以與人之耳目者幾何是可歎也
己閭漕使古汴復齋郭公讀書有言行人也幼而好學長
而力行既貴猶學易出入臺省二十年外歷守牧司憲則
以身爲律司漕則以義理財江東西民數饑則隨地賑而
活之有疾疫則官遣醫療之湖有民田失科糧者四萬餘
石則抉隱懲欺而賦之監課因民則請減額以甦之漕有
冤獄十七起悉更讞平反之四明滯訟三百餘宗各鈎沉
舉壓而決之南康之三皇廟慶元之侯泮郡倉雙溪之泮
梁閭中之南臺鹽倉苟有關於政化關必置弊必修此特

取其大者舉一以見百耳若夫僚佐之間羈縻之上陰分
陰寸千常萬細非善言無以孚其情非善行無以示其事
數十年之事業頓見之十餘紙之文辭是猶大桃蟠三千
里而掇幾枝采幾蕾乎今復齋公官躋三品力猶彎一石
不類七十者堅請掛冠將歸移文所在官司曰吾少壯驅
馳中外在官以儉積俸在家以勤營生自買田八百餘畝
上曰奉親下資給三弟父嘗戒諸子曰田兄田也汝無擅
三弟曰謹遵命遺文尙在今老矣乃大傷爲兄者心願以
己田立約爲義田以教養四房子孫希公文後鄉郡斯非
可法之言可法之行歟孔子曰惟孝友于兄弟是亦爲政
推其所爲於爲政乎何有或疑以工與傭喻士大夫非其

倫曰彼亦人耳言亦言行亦行技之與力舍言行無以爲也惟貴賤大小則有殊使食於大家作勞其口無定言而莫可與商行無定跡而莫可以尋則皆不敢用而爲世之棄人小而賤者失其言行則憂日無二升之食百錢之直貴而大者失其言行則成敗禍福繫焉以賤喻貴以小喻大可不思哉苟食祿者言常思可對人語行常思可使人知太平治之其庶幾乎至順二年辛未上元日古候佚老獨愚黃文仲謹序

言行錄錄復齋郭公言行也公自初爲樞密史至今嘉議大夫凡掾中外省爲都事者二爲牧守者三檢校中書僉贊風紀兩職離運向爲貳今爲正嘉言善行炳烺人心章

章冊牘形諸歌詩刊諸金石合爲今言行錄誠爲政之範
模檢心之繩尺也僕閩人也福星之所臨照莫非言行之
光華澄源之訓歎天之戒惻然之情見乎家諭戶曉之餘
所謂德言而爲羣言之長也削冗濫負百餘人於亭戶而
除其豫辨之擾於鹽徒而止坐事發之家所謂德行而爲
羣行之宗也若夫孝之於父子學之於師友義之於兄弟
宗族大本大原之可法天下師百世者則有言行全錄在
三山林與祖謹書

張復題後曰閩漕使復齋古汴鄆公爲童穉時已好學不
倦及成人慨然有志事功當時名公鉅卿爭汲引之臺省
聲猷日以大從守昌江秦郵課兩浙鹽佐江西憲牧四明

遂入閩爲一道福星高潔剛明其德政洽於人心著於事蹟田父賈豎皆能道長樂郡文學徐古道採摭聞見倣近代名臣言行錄爲公書之嗟夫自有生民以來未有如皇元之大者也地大則生者衆生者衆則用人多山中書省下至百司庶府外至天下郡縣遠至屬國所置大小文武暨辭流以萬計不知幾莫不食君之祿資民之利以求富貴有能不欺天不欺國不欺心不肯以身與草木俱腐斷斷然立功立名於當世者數百中或一蓋流俗移人惟以富貴爲功名而不知利濟天下謂之功流芳後世謂之名旣無意有爲於茲則亦無事可書於茲爾三代而上遠莫得言三代而下自秦至於宋遼金凡二十代惟漢爲大雖

不及今然嘗聞哀帝時自丞相至郡縣佐史凡用十三萬人如彼其多歷年四百如彼其久而譽於列傳者如彼其少孔子曰才難乃爾甚耶今古道作是錄事皆有徵足信爲晉山飢民請粟病民散藥活者三千餘口又爲吉贛南安乏食賑糶數十萬戶公之視民甚於已仁也修都城定水關官省鈔千三百定民不知勞市湯羊增常數三千口價比他省三千定覈江浙失科民糧四萬餘石追松江夫役冒除糧一十六萬石行使至大錢則建言毋毀成器察浙鹽利病則請減常額公之制事一一有方義也修浮梁慶元泮宮以期道化之效建南康三皇廟以廣聖濟之心復謂漢儒惟董仲舒克傳心學朱子之後真西山能安道

統宜在從祀陳請於朝先崇善教而後可以淑惡道以正也平反浙漕鹽寬十有七起剖斷定海訟怨三百餘宗先清宿弊而後可以行簡服以明也公之所爲必可言所言必可覆利非欲人美我而爲之爲所當爲而已矣彼聞人言美而不知勸聞人言惡而不知恥者惟曰富與貴吾之命不學無術正難責之滔滔皆是然後以爲所當爲者爲難復美其言行不敢遺今日之錄卽異時之列傳耳復齋公讀書人也言顧行行顧言爲此錄者豈不當哉夫富貴輕於鴻毛言行重於太山每見文人詞中翰多以汾陽期公是尙富貴也似與公氣節殊林宗有道之士史紀其言行亦得漢一列傳汾陽壽望百爵稱王官中令史紀其言

行亦不遑唐一列傳公今官三品年方耆指使心深道熟
使遇汾陽之時有汾陽之事眞所優爲者也蓋謂公之言
行得於聖賢之學華州之郭武學未之間焉是錄也必某
纂有續筆以待他日之歐宋云

右名臣

紹興十八年同年小錄一卷

明初刊本

是古堂藏書

宋紹興十八年王佐榜進士題名錄也 卷末有虞山錢

曾道王藏書印記

新刊名臣碑傳琬琰之集前集二十七卷中集五十五卷下集

二十五卷

抄本

宋眉州進士杜大珪編

自序曰國朝人物之盛遠追唐虞三代之英秦漢以來鮮
儼矣自建隆乾德之肇造暨建炎紹興之中天因時輩出
豐功偉烈焜耀方冊雖埋光韞采位不稱其德者亦各有
紀於時欲求之記事之書則瀕瀕噩噩未易單究雜出於
野史見聞者其事又裂而不全未足以觀其人之出處本
末好事者因集神道誌銘家傳之著者爲一編以便後學
之有志於前言往行者韓退之韓洪碑杜牧之譚忠傳今
質諸正史而皆合學者將階此以攷信於得夫之迹不爲
無助云紹興甲寅暮春之初謹書

中興四將傳四卷

舊抄本

汲古閣藏書

宋史官章穎纂

章穎進表曰臣穎言天扶昌運必生禦侮之臣帝念簡功
當有特書之史舉閔勸激跡貴昭明敢哀竹帛之藏仰徽
見旒之聽臣穎誠惶誠懼頓首頓首專若稽古誰能去兵
執干戈以衛社稷者固所難能聞鼓鼙而思將帥則求之
已晚欲厲有爲之志當於無事之時卽惟國家之興尤得
人材之盛開基創業燒將雲蒸復古中興虎臣角立率厲
熊羆之士掃空蛇豕之羣名書旂常功耀天地或繪象於
原廟或侑食於大蒸爪牙宜勤項背相望當時稱誦姓名
可止於兇陪後世傳聞藉畧尙驚於敵膽頃紛紜於議論
稍變易於是非事實浸以湮微士氣爲之沮抑雖已加於
褒典猶未快於輿情非假汗情何由暴白故太尉威武軍

節度使贈開府儀同三司臣劉錡甚憐順昌之戰大摧兀
木之鋒誰其妨功而害能遂爾投閑而置散故少保武勝
定國軍節度使贈太師臣岳飛兵方精而可用功竟沮於
垂成既撓其謀更成奇禍事皆有證其書雖見於辨誣言
出私家後世或疑於取信故太尉威武軍節度使贈開府
儀同三司臣李顯忠家世諸李父子一忠縛撒里曷若雞
豚昨僞齊豫如犬彘氣吞強敵志在本朝當其杖策之歸
適近彘弓之際故右武大夫果州團練使贈甯國軍節度
使臣魏勝爲山東忠義之冠當清口寇攘之衝雖血戰於
淮陰竟身膏於草野況又背志未盡展時不再來失機一
瞬之間抱恨九泉之下雖生未及盡俘於醜類其沒或能

爲厲於敵人宜有厚賞以旌多代況方大規恢之畧所宜
彰果毅之能恭惟皇帝陛下天運廟謨日開公道用宣昭
於賞罰以駕馭於豪英代不乏人用則爲虎西有梁洋之
義士東多荆楚之奇材怒髮衝冠雄心撫劍儼在上有激
昂之術則凡人懷奮發之心臣嘗忝史官夔觀舊載悉紀
當時之實以呈乙夜之觀伏乞斷自宸衷付諸東觀然後
可傳於百世庶幾變動於四方張大國家之威發舒華夏
之氣事雖已往可爲鑒於將來謀或有遺幾成功於今日
臣所譯到劉岳李魏傳繕寫共計七冊謹隨表上進以聞
臣額誠惶誠懼謹言

寶祐四年登科錄一卷

明初刊本

寶祐四年文天祥榜進士題名錄也

京口耆舊傳九卷

文淵閣傳抄本

不孝提人老氏

敬鄉錄十四卷

文淵閣傳抄本

元 吳師道撰

吳師道敬鄉前錄序曰師道曩侍先大父傍及見故時近老談鄉里前輩事頗竊聽一二遺文殘藁借玩傳抄每槩而不厭然亦恨其時尙少弗能問而識其詳也比年諸父淪喪衣冠道消出里門無與言儒者時時番閱故藏則近因里中火後散軼已多俛仰四十年欲質其事而無從或子孫僅存者率遷業變智問之茫然反笑怪其不切當發

策校庠舉數人爲問亦無有能言之者可勝嘆哉因念蘭
溪縣漢隸會稽後爲三河成唐咸濟始置縣迄宋季上下
千數百年山川如昨清英秀美之氣實鍾于人其間豈無
名世者而郡志所載僅六人且仙佛之徒半之則記載缺
畧可知已南渡都杭近在畿甸文學之風何啻什百於前
碩儒才士名卿賢相相望輩出不可謂不盛矣易世來未
有紀者若其人名位論著顯然固不可泯不幸而不爲人
所稱今遂浸微更數十年豈復有知之者哉因比次得若
干人畧識本末間采詩文附焉無則缺之非徒尙詞藻也
因其言論風旨而其學問志節與夫當時風俗人物亦可
槩見而祠廟碑志則又是邦故實之所存如東峰亭記進

士鄉飲題名之屬亦當在所考并置於前名之曰敬鄉錄焉烏乎維桑與梓必恭敬止桑梓猶恭且敬之況賢者乎某生也後弗獲執御於諸老先生然仰高山而挹遺風未嘗不振飭興起可不知所自耶君子之學上希聖人生乎吾前者之所以階而至於聖也善無往而弗存歸求有餘行遠自邇况朱呂之傳有在是者乎彼其闕視六合而狹小一鄉凌厲千古而厭薄近代則與重鄉士尊前輩之意不類非某所敢知也

又敬鄉後錄序曰宋紹興二十四年婺通守洪遵修東陽志其紀當代人物僅數人蓋斷自渡江以前理則宜然而其所記有下及紹興者又不盡用此例則所遺固多仙

釋之徒與賢士大夫孰愈若滕章敬宗忠簡輩又皆出于其前而不見列何也最後事類一卷凡釋官小說怪誕藝之事涉於藝者悉不棄博則博矣無乃詳於所不必錄而畧於所當錄者乎按吾婺昔隸會稽後爲東陽郡以至於今千幾百年矣晉魏以前如江洽中王微士非劉孝標之文則莫得而知郡志亦失考而賴是以傳然猶不得其名信乎紀載之不可闕也況自宋中葉以來材賢繼出其顯於靖康炎紹之際者皆生於嘉祐以後涵濡之深風氣之開豈苟然哉忠義功名宗公當爲第一下逮乾道淳熙呂太史道德文章鄒魯一方師表百代視前世又遠過焉於是名卿賢相牧伯大魁碩儒名人偉士肩摩踵接蓋不

可勝數而其季年北山何公魯齋王公則又紹紫陽之的
傳至今私淑者猶不失其正亦盛矣哉夫其名爵在史編
論著在天下章章傳頌之決不遂泯沒無伺纂集可也特
沉微不著者遺文逸事稱道殆絕或地望舛錯久亦失真
逝者有知豈無憾於冥冥耶愚不自戢既集錄蘭溪諸賢
因及一郡茲事體重而聞見單寡不能盡知故所錄僅止
此方且與同志博考而具載之非敢有所舍取也然初意
主於表微而并及顯者其或人文俱顯錄所弗及者亦不
無微意焉吁士之傳世視其所立而已是偏不因于錄而
傳者固多因于錄而傳者間一二然亦非區區之愚所能
使傳也夫何慙於僭哉

國朝名臣事畧十五卷

元元統刊本

趙郡蘇天爵伯修輯 目錄後有元統乙亥余志安刊

於勤有書堂一條中多闕文據淡生堂抄本校補

聖元基朔方立人極世祖皇帝混破裂而一之厥輪輿理古職方所未半其天地之再初乎渾淪所鍾命世卓絕之才實輩出輔成之故盛德大業之所著自顯寫生民未之有也然而百餘年來元勲偉績世未盡白故老知者湮沒無幾家乘志銘不能家至而徧知也仁皇御極勅太史傳功臣而玉堂秘奧世莫得而見焉監察御史趙郡蘇天爵伯修輯國朝名臣事畧十五卷湖北憲刻諸梓徵叙其端有王在京師早知伯修之才而未知其有是編也惟其培

學上庠歷史屬久故攷之也詳擇之也審其類例倣朱子
言行錄條有徵據略而悉豐而核其四方之爭先快覩者
乎竊惟國朝真才雲集是編才四十七人有齊民知名而
未錄者蓋朱子例闕有所得當續書之也若是則四方之
快覩者不一伯修之學其益昌矣又不知今士大夫用心
如伯修者幾人世所望於太史氏出於事略之外者其將
有所屬乎憲長篤禮質班幕府李穀王大有職風紀育人
材俾觀者率作是亦韓子所謂牽聯得書者也至願壬申
夏月中議大夫前參議中書省事相率許有壬序

應奉翰林文字趙郡蘇伯修年弱冠卽有志著書初爲胄
子時科目未行館下士著言詞章諱誦既有餘暇月筆札

又富君獨博取中朝鉅公文集而日抄之凡而元臣世卿墓表家傳往往見諸編帙中及夫閒居紀錄師友誦說於國初以求文獻有足徵者彙而粹之始疏其人若干屬以其中更校讐櫛去而導存抉隱而蒐逸久而成書命曰國朝名臣事略他日余與伯修同預史屬從借讀之作而歎曰壯哉元之有國也無競由人乎若太師魯國淮安河南楚諸王公之勲伐中書令丞相耶律楊史之器業宋商姚張之謀猷保定臺城東平鞏昌之方略三王楊徐之章章劉李賈趙之政事興元順德之有古良相風廉恒山康軍國之有十君子操其他臺府忠盡之臣帷幄文武之士內之樞機外之藩翰班班可紀也太保少師三太史天入

之學陵川容城名節之特異代豈多見哉至於司徒文正
公尊主庇民之術所謂九原可作我則隨武子乎嗟乎乾
坤如許大人才當輩出伯修是編未渠央也姑志余所見
如是云天歷己巳四月乙卯翰林待制冀郡歐陽元謹序
自古帝王有天下或受于人或起而取之堯舜禪讓湯武
弔伐厥時義大矣書紀虞夏之際易稱湯武革命應天順
人皆有輔佐同心一德後世可述焉孟子曰五百年必有
王者興其間必有名世者傳曰有立德立功立言是謂不
朽誠哉是言也三代而降其盛者曰漢曰唐曰宋夫子言
革之時蓋謂必有不得其義者矣彼近代是也皇元起朔
方紹帝運接天統資始於天不困於人遂大作明命訓咸

宇內一啟而金人旣南遼海和輯再啟而西域率服遂拓
坤隅三啟而靖河北秦晉載集河南是同分宗子以方社
昨功臣之士四啟而庸蜀是柔五啟而江漢奄從趙氏爲
臣陸道西北見用觸慄海無際舶乃旋鱸凡有血氣者莫
不尊親而崇極祀天矣厥初受命南北割裂天氣不通二
氏不享天寶醜之乃眷北顧俾我聖人作神民主完顏璟
割處下民趙整爽盟背約自伐喪其國家大哉貞矣其允
時義也易曰田有禽利執言此之謂也其始桓毅討伐虔
劉戡定之其暨肅楊恪勤葉園輯柔就緒之其暨勸相富
厚之定之以上下道之以名分淑之以庠序秩之以禮樂
慶之以官賞董之以威罰而天下成矣列聖運於上賢臣

贊於下穆穆明明相須以成相濟以甯是故舜有臣五人而天下治武王有亂臣十人非虛言也故論本朝輔亮之臣其佐命垂統或薦揚於外或運籌於內有同肇迹之艱難者矣其輔翼成化或規模宏遠或論思密勿有登治道之鴻熙者矣翰林修撰趙郡蘇君天爵始爲成均諸生好訪當今之故放失遺迹構百家行狀碑誌傳贊敘述及他文該載者見其本末既而仕爲典籍應奉凡三爲史氏在職八年遂徵以所知無所乖舛於是紀述其故自國初至於延祐之際自太師國王以下或周召懿親或岐豐舊姓或秉義效順或降附後見或策杖上謁或徵起草野功格皇天保乂國家所謂名世者夫德器優遠悉心盡職不顧

己私所謂不朽者夫歷代以來善始善終未有若今日之
懿者也昔漢高之臣皆戰國之餘非南面而王之不能畢
其功全莫我若也光武之臣皆生西漢多經術之士功定
天下不過封侯賞莫我若也使高光易世而居亦不能相
反何哉其人異也天生聖賢共成大業豈漢敢望哉書成
凡十五卷號名臣事畧其事之所載盡標作者姓氏示不
相掩也其名位顯著功在帝室求未得者續爲後錄蘇君
嘗閔宋氏以來史官不得盡其職載筆之士多乖故實宋
人詳而不端曲文以比時遼金簡而徑事多湮昧於是著
其故輯其闕漏別爲遼金紀年呈道之成與三代同風身
爲史氏顧已職業繹而明之君子哉其用心也蘇氏自唐

宰相味道以文章顯宋太史文忠公軾父子兄弟稱樂城
焉所從來遠矣繼之者修撰君也泰定初故侍講會稽袁
公薦君亮達前代文獻今侍講蜀郡虞公舉君該洽文辭
爾雅由是遷修撰云至順辛未六月辛亥賜進士出身文
林郎翰林國史院編修官南鄭王理謹敘

右國朝名臣事畧趙郡蘇君伯修所編也爲書凡十五卷
四十又七人惟我國家起於朔方也則有國人族姓服其
勤勞及定中土也則有才臣碩輔任其經畫凡百有爲天
實相之然猶列聖相承歷時既久而大統始集故世祖之
用人不以異域之臣爲疑亡國之俘爲賤拔於卒伍聘於
韋布皆能佐一王之業輔萬世之基致治之規上軌隆古

何其宏遠哉槩茲在錄其從太祖之肇基王迹事世祖之受天明命厯成宗武宗仁宗之繼體守文其時有後先故人人事功或有異焉然使昭代之典煥乎可述得人之際於斯爲盛凡家傳碑誌之所載者此得以據其畧詳則具於國史蘇君學博而材周器宏而識遠今爲應奉翰林文字同知制誥兼國史院編修官天厯二年二月朔旦太常博士王守誠書

元統元年進士題名錄一卷

影寫元刊本
月本影寫

從吳門黃氏藏元

元元統元年進士題名錄也 一甲三名二甲十五名三

甲三十二名蒙古色目人與漢人南人分兩榜合百人進士增至百人自是科始錢氏已言之元自延祐設科以來

兩榜第一甲止放一人是科從讀卷官宋本之請放三人

見燕石集

一甲放三人亦自是科始元史選舉志所謂元統癸

酉科廷試進士稍異其制左右榜各三人皆賜進士及第是也錢氏未之及故表出之蒙古色目人一甲第一名曰同同其第二名則余忠宣公也忠宣公生當多難戰守之功鮮有儼者及至孤城援絕一門赴義精忠勁節上徹霄漢視文信國無愧色矣宋題名錄存於今者二一以朱子存一以信國存則謂是書以余忠宣公存可也

此元統元年進士錄錄前當有讀卷監試執事諸臣銜今惟存監膳供給口造公服數人餘皆失之是年歲在癸酉以十月改元故列傳或書至順四年其實一也元自延祐

設科賜進士五十有六人嗣後遞有增廣無及百人之額
者是科增至百人史家以爲科舉取士莫盛於斯者也廷
試進士例以三月七日是年順帝以六月卽位故延試後
在九月三日此亦當書於選舉志者可以補史文之闕是
榜蒙古色目五十人漢人南人五十人有兩丑閩兩脫穎
敏安達爾與明安達耳音亦相同當時不以同名爲嫌也
李齊賢保定路祁州蒲陰縣但戶而史云廣平人丑閩貫
昔寶赤身役唐兀氏而史云蒙古氏皆當以錄爲正右榜
第三甲第十六名字彥輝而名已殘缺唯末筆似歹字曳
腳以元史忠義傳證之當是塔不台台與歹元人多通用
也此百人之中元史有傳及附見者七十人余閱月輒不

花李齊聶炳塔不台明安達耳丑閭皆以忠義顯名而成
遵之其績張植之謚直字文公諒之文學亦卓卓可稱斯
足徵科舉得人之效矣宋無登科錄傳於今者唯王佐文
天祥兩榜元之登科錄前輩未有及見者頃黃君堯圖於
書肆中偶得之詫爲希有屬予審定爰記所攷證於卷末
時乙卯重五日夏至竹汀居士錢大昕書

登科錄